

www.BibleForChildren.org

मत्ती 26



दुःखने फ़ेबै चाडए टुरो ओँसों
येशू बेथानिया बिबै नाँसर
खड़। चर येशूजी सिबउँइले
सोगों लमिंबै लाजरस बिबै म्हि
टिमल। च त्हेर्न मरियमइ सै ल्हें फ़ेबै
लिंबै थाँ खबै जटामसिए अत्तर तिम्नादे
पखसि येशूए प्हलेर फोमिंड। धै ह्राँसए क़प्होइ
फ़योमिंड। छलमाधिं तिगोंन् अत्तरए लिंबै थाँ नाँइ।



झाइले च्युसे इंहं चेलामें न्होंबें
इस्करयोतथें यहूदाइ येशू क्हासि
चमेंए योर पिंबै ल्हागिरि खो
पिंबै खेगि चिळ्में डार ह्याइ।
चए ताँ थैसि चमें बेल्ले सें
ताँसि चलाइ “मुइ पिंस्यो” बिबै
बाछा लइ। छतासि चइ येशू
खैले क्हाब् इहे बिसि
घ्याँ म्हैबर होंइ।




छबिमा चेलामैँड येशुजी बिब् धौले
दुःखने फ्रेबै चाड म्हादिबै तौदुमैँ लइ।
खैँमैँ चब् चरिमा येशुजी कहें किंसि
परमेश्वरलाइ धन्यबाद पिंसि कहें लुँइ, धै
चेलामैँने पिंसि बिइ, “नाँ, चु कहें चद! चु
डए ज्यु ग।” छलेन खीजी प्हेला किंसि
परमेश्वरलाइ धन्यबाद पिंसि “कहेमैँ
ताँनइ चु थुँन् बिसि चेलामैँने पिंइ।
तलेबिस्याँ चु परमेश्वरजी फैबै
छारा बाछाबैँ डए को
ग। ल्हें म्हिमैँए
पाप क्षमा तरिगे
बिसि डए
को बगेल्मुँ।



“ओ सिमोन, सिमोन, थेद! म्हिमेंड नौलिर गहुँ टाब् धौले
दुष्टइ किह टाल् यौरिगे बिसि यो छयुँ लइमुँ। दिलेया किहए
बिश्वास आम्हरिगे बिसि डइ किहए ल्हागिर प्राथना लइ।
छतसि किह धबै ड डाँइन एखल्मुँ, किहए सैं ड डाँइ एबै लिउँइ
हौंसए आघें अलिमेंए सैं भौब् लमिन्।” छबिमा सिमोन पत्रुसइ
खीने बिइ, “ओ प्रभु, ड किहने बालुन् झेलर टिल् त्हुलेया,
सिल् त्हुलेया तयार मुँ।”

येशूजी पत्रुसने बिइ,
“पत्रुस, ड किहने बिमुँ,
किहइ सौंखे समा ड
डो आसे आबिन् समा
तिंयाँ नग भाले
ओररिब् आरे।”



झाड़ले येशू चेलामेंने बालु
गेतसमनि बिबै बगेंचार
हयासि “ड दे क्याड
हयासि प्राथना लमुं। कहेमें
चुर्न टिरिद् ओ,” बिड।
“ओ आबा, किहजी लल्
आखाँबै सै तोड आरे।
छतसि चु दुःख ड डाँडले
स्योमिनु। दिलेया डए सैर
मैब् धाँले आडिं, किहए सैर
मैब् धाँले तरिगे।”




च त्हेर्न यहूदाइ रोमी सिपाइमें
खो पिंबै खेगि चिबमें नेरो
फरिसीमेंइ कुल्मिंबै मन्दिर रूँबै
म्हिमें च बगैँचार बत्ति नेरो
प्हरे-व्होजमें छेसि मेंदों मोसि
चर फेखइ। झाइले चेलामें
न्होंबै घिइ सेलाँ (तरबार)
टहुइसि खो पिंबै खेगि क्रथेए
के लबै म्हि घिए क्योलोउँइबै
न्ह च्वाट्टन् थोवाइ। दिलेया
येशूजी “तै मुँरिगे! छ आलद्!”
बिसि खीजी च के लबै म्हिएं
न्ह छुइसि सल् लमिंड।



च त्हेर्न म्हिमेंड येशू कहासि खो पिंबै खेगि क्रथेए धिंर बोड,
पत्रुस बिस्याँ दे हेंगोउँइलेन् खीए लिलि लिलि ह्याइ। खो पिंबै
खेगि क्रथेए धिंबै ह्युर म्हिमें मि त्हेरिल।
छतसि पत्रुसै या चमैने
बालुन् कहुइ।



चर पत्रुसइ न्हेमें थोवाबै
म्हिए ह्जजे म्हजे घि मुँल।
च खो पिंबै खेगि क्रथेए
केळ्छेंमें न्होंबै घि मुँल।
चइ पत्रुसने बिइ, “डइ
विहलाइ चने बालु बगैचार
म्रौंइ आडिं वा?” पत्रुसइ
अइ “आडिं!” बिइ। छ
बिबै तोंदोंन् नग भाले
ओरइ। झाइले पत्रुस बैरु
त्होंह्यासि बेल्ले क्रोइ।




च लिउँडें थैबै च्हों धिर मुँबै म्हिमेंड
येशूलाइ क्रथे पिलातस डार बोसि चमेंए
ताँ थैसि पिलातसइ येशूने “क्हिह यहूदीमेंए
मुँ वा?” बिसि ड्योएइ। येशूजी चने बिइ,
“क्हिइन छ बिरिइमुँ।” हुलइ छ बिलेया
पिलातसइ येशूलाइ पिदा
इहाँसि “चुलाइ पिवाले
बिसि” धबै चमेंने ताँ लइ।
दिलेया “चलाइ क्रूसर च्योवाद्!

क्रूसर च्योवाद्!” बिदै चमै ओरइ।




झाडले पिलातसइ येशूलाइ क्रूसर
च्योवाद् बिसि यहूदीमेंए योर पिंवाइ।
धै सिपाइमेंइ येशू बोयाइ। येशूजी ह्रांसए
क्रूस ह्रांसइन नोसि क्र खोप्लें बिबै
कल्हयोर हयाइ। (हिब्रू क्युडुर च
कल्हयोए मिं गलगथा बिमुं।)



चर चमैँड खी क्रूसर च्योवाइ धै
खीए क्योलोउँडँ म्हि घि त्हर्योउँडँ
म्हि घि च्योवाइ। येशू बिस्व्याँ चमैँए
म्हाँजोर मुँल।



ट्ठिंयाँ या चारब म्हयाइ। च त्हेर्न यरूशलेम सहरबेँ मन्दिरर
च्योथेँबे पर्दा क्वेँ या ड्ठिंबाँ फैले म्हाँजोर्न ट्ठोयाइ। झाइले
येशूजी थेबेँ कैले बिइ, “ओ आबा, इए प्ल्ह इइ क्ठिए योर्न
थेँमुँ।” च्हाँ बिसि येशूजी खीए सो पिवाइ।



छतमा अरिमाथियाथें योसेफ च
डेसार आडिहंन्ले पिलातस डार
ह्यासि येशूए सिनु ह्निइ। (च
योसेफ थेबै म्हि च्हांबै चिब
मुँल। चइ परमेश्वरए
ग्याल्स खोंयों युब्
इहे बिसि घ्याँ
इह्योरिल।)

झाइले योसेफइ सुतिए
क्वें किंसि पखइ धै
येशूए सिनु क्रूसउँइले
तसि क्वेंर म्होरसि
म्हिमैँइ युँमा कोप्लिसि
लबै उ धोँ तबै छगॉर
थेंइ, झाइले च उए
सुर युँमाइ हुथेंइ।



चाडए ल्हागिर चैदिबै सैमें तयार लबै
त्हिंइए प्हांन्हांगधों खो पिंबै खेगि चिबमें
नेरो फरिसीमें पिलातस डार
खागु तइ। चमैइ पिलातसने
बिइ, “ओ चिब, च स्योर्गुइ
सोगों मुँमा ‘ड सियालेया
सोरोंर धबै सोगों तसि
खल्मुँ’ बिल। चइ बिबै
ताँ डिइ चिरिइमुँ।”



“छबिमा चमैं ह्यासि
छगों हुथेंबै युंमा ओल्
आखाँले भोंब लसि
छगों छेनाले रूँबै
ल्हागिरि पालेमें थेंइ।”



प्रिबै त्हिंइए प्हँन्हाँगधों आइतबार न्हॉक्कर्न
मि म्रोंबै छझँ मगदालाथेंस्यो मरियम
नेरो अर्को मरियम छगों इह्योबर
हयाइ। च त्हेर थेबै सयो खइ,
तलेबिस्याँ स्वर्गउँइले प्रभुए
दूत घि युसि छगों हुथेंबै
युमा प्लिवासि युँमार
फिर टिइ।

छाब म्रोंसि
रुँबै म्हिमें इ्हंसि
त्हारइ, धै सिब्
धौन् तयाइ।



दिलेया स्वर्गदूतइ च च्हमिरिमेंने बिइ,
“कहेमें आङ्गिहंन्! कहेमें क्रूसर च्योवाबै
येशू म्हैबर खब् ग बिसि डइ
सेइमुं। येशू चुर आरे। खीजी
ओंसोन् बिब धोले खी
सोगों तसि रेल् खाँइमुं।
खो, खी पाबै
कल्हयो इह्योद्।”



छबिमा चमैं ड्हिंब धों ड्हॉदैं सैं
तोंदैं आतुरले छगोंडैंले त्होंसि
खीए चेलामेंने सँडसर बिबर
न्हेहयाइ। छले ह्यारिमा तिखेर्न
येशू चमैंने त्होसि “क्हेमैंने शान्ति
तरिगे,” बिइ। धैं चमैं चेंदो खसि
येशूए प्हले क्हासि फ्योइ।



च लिउँई खीए च्युसे घि चेलामें चब चरिमा खी
म्रांखइ। चमेंइ बिश्वास आलब नेरो सारो सैं
म्रांसि खीजी चमेंलाइ बेल्ले हौदिइ। तलेबिस्याँ
खी धबै सोगों तखइमुँ बिबमेंए ताँ चमेंइ
आक्वेमल। येशू छले चेलामेंने पॉल खाँबै लिउँई
परमेश्वरजी खीलाइ स्वर्गउँई बोयाइ, धै
परमेश्वरए क्योलोउँई टिइ।



तलेबिस्याँ खीए च्हए फिर बिश्वास
लब्में खाबै या नास आतरिगे, बरु
खोंयोंइ आनुबै छह योंरिगे बिसि
परमेश्वरजी ह्युलबै म्हिमेंने ल्हें
म्हाँया लसि खीए घि दे
मुँबै च्ह पिंइ।



रोमी 3:23

तलेबिस्याँ तान् म्हिइ पाप लइमुँ, छतसि
खी डार फेनेल् आखाँइमुँ।

रोमी 6:23

तलेबिस्याँ पाप लबमँइ योंबै नाँ सिब ग! दिलेया
परमेश्वरजी छलेन पिंबै दान इयोए प्रभु येशू ख्रीष्टउँइले
खोंयोँइ आखाँबै छह योंब् ग।

हिब्रू 9:27

तान् म्हिमें तिब्ले सिल् त्हुम्, धै सिबै लिउँइ
परमेश्वरजी लबै इन्साफर राल् त्हुम्।



एफिसी 2:8,9

छतसि परमेश्वरए दयाम्हाँयाइ लमन् कहेमैँए बिश्वासउँइले
कहेमैँइ मुक्ति योंइमुँ। कहेमैँइ छयाँबै केमैँ लसि चु मुक्ति योंब
आडिं, चुम् परमेश्वरजी छलेन पिंब् ग। छयाँबै केमैँ लसि
म्हिमैँइ मुक्ति योंल् आखाँ। छतसि छयाँबै के लइ
बिसि खाबै या थेब् प्हेँल् आत्हु।

रोमी 10:9,10

तलेबिस्याँ किहइ होंसए सुँइ “येशून् डए प्रभु ग” बिसि अरूलाइ
साक्षि पिंम बिस्याँ, झाइले “परमेश्वरजी येशूलाइ सिबइले धबै
सोगों लमिँइ” बिसि सैँर बिश्वास लम् बिस्याँ किहइ मुक्ति
योंल्मुँ। तलेबिस्याँ इयोए सैँइ बिश्वास लसिन् इयो परमेश्वरए
उँइँर ठिक ठदिम, झाइले इयोए बिश्वास लबै ताँ
अरूलाज्यै या बिमिँस्याँ इयोइ मुक्ति योंमुँ।



यूहन्ना 3:16,17

तलेबिस्व्याँ खीए च्हए फिर बिश्वास लब्में खाबै या नास आतरिगे,
बरु खोंयोँइ आनुबै छह योंरिगे बिसि परमेश्वरजी ह्युलबैँ म्हिमेंने
ल्हें म्हाँया लसि खीए घि दे मुँबै च्ह पिंइ। तलेबिस्व्याँ ह्युलबैँ
म्हिमें दोषि ठदिबर परमेश्वरजी ह्वाँसए च्हलाइ कुलब आडिं,
दिलेया चमैलाइ जोगेबर कुल्मिंइ।

१ यूहन्ना 5:11-13

परमेश्वरजी पिंबै ग्वाइ चुन् गः खीजी इयोलाइ खोंयोँइ आखाँबै
छह पिंइमुँ, धै च छह खीए च्हउँइले इयोइ योंम्। खाब्ने परमेश्वरए
च्ह टिमुँ, चइ च छह योंइमुँ, दिलेया खाब्ने परमेश्वरए च्ह आटि,
चइ खोंयोँइ आखाँबै छह आयों। ओ, परमेश्वरए च्हए फिर बिश्वास
लब्में! क्हेमैँइ खोंयोँइ आखाँबै छह योंइमुँ बिसि पक्का था सेरिगे
बिसि इइ चु प्हिछया क्हेमैँलाइ प्हिब् ग।



मत्ती 26-28; लूका 22-24; यूहन्ना 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Gorong Central Bible (gvr) © 2020, Wycliffe Bible
Translators, Inc. All rights reserved.

<https://live.bible.is/bible/GVRWBT/MAT/1>

©2024 Bible for Children, Inc.

www.M1914.org

www.bibleforchildren.org

